

20 OCT 1997

DR MAHATHIR AKAN MELAWAT SLOVENIA

KUALA LUMPUR, 20 Okt (Bernama) -- Perdana Menteri Datuk Seri Dr Mahathir Mohamad akan mengadakan lawatan rasmi tiga hari ke Slovenia dari 27 Okt atas jemputan rakan sejawatannya Dr Janez Drnovsek.

Dr Mahathir akan diiringi Datin Seri Dr Siti Hasmah Mohamed Ali, menurut satu kenyataan Wisma Putra hari ini.

Rombongan Perdana Menteri termasuk beberapa menteri, timbalan menteri, seorang menteri besar dan sekumpulan ahli perniagaan.

Semasa lawatannya Dr Mahathir akan mengadakan perbincangan dengan Dr Drnovsek mengenai hal ehwal dua hala, serantau dan antarabangsa.

Perdana Menteri juga akan mengunjungi Presiden Milan Kucan, berucap pada satu seminar yang dihadiri para ahli perniagaan Slovenia dan melawat pelabuhan Koper dan Bled.

Slovenia terletak di Tenggara Eropah dan merupakan sebahagian daripada bekas republik Yugoslavia. -- BERNAMA

AZZ RON